

Christliche Leichpredigt.

Wir werden ohne verdienst gerecht/ aus gnaden/
durch die Erlösung/ so durch Iesum Christum
geschehen ist/ welchen vns Gott selber hat vor-
gestellt zu einem Gnadenthron/ durch den glau-
ben in seinem Blut.

2. So sol vns auch der Beruff der Heyden
zur gemeinschaft der Christlichen Kirchen dienen/ zu
einer notwendigen Warnung/ daß wir nicht sollten
sicher seyn/ vnd vns etwa die Gedancken machen/ als
kündten wir mit vnser Sicherheit vnd Vndanckbarkeit
Gottes huld vnd Gnade nicht wieder verschertzen/ Son-
dern do sollen wir vielmehr vnser Seligkeit mit
furcht vnd zittern wircken/ wie der Apostel Paulus
ermahnet zu den Philippern am 2. Cap. Vnd der Kö-
nigliche Prophet David spricht in seinem 2. Psalm:
Dienet dem HERRN mit furcht/ vnd frewet
euch mit zittern. Küßet den Sohn/ daß er nicht
zürne/ vnd ihr vmbkommet auff dem Wege/ Denn
sein Zorn wird bald anbrennen/ Aber wol allen/
die auff ihn trawen.

Wir sehen traun/ wie es den Jüden gegangen ist/
die waren freylich die liebsten Kinder Gottes/ sie saßen
Gott mitten im Schoß/ ja sie giengen im Futter des
Göttlichen Segens biß an die Bäuche/ Do sie aber stolz
vnd hochmütig wurden/ Gott vnd sein Wort verachte-
ten/ seine Propheten vnd Diener schumpffireten/ vnd
lebten nur nach ihrem eigenen sinne/ Je traun/ do
führete der HERR gar schreckliche vnd trawrige Klage
vber sie/ wie wir sehen bey dem Evangelisten Matth.

2.

Warnung.
Wir sollen
nicht sicher
vñ vndanck-
bar seyn.

Philip. 2.

Pfal. 2.

Exempla
wie der Vn-
dank an dem
Jüden ges-
strafft wor-
den.

Schreckliche
Klage des
HERREN
vber die
Jüden.

Q

am 11.

